


沈乃文主編

明別集叢刊 第四輯

第四十九冊

黃山書社





國家出版基金項目
NATIONAL PUBLICATION FOUNDATION


『十二五』國家重點圖書出版規劃項目
2011—2020年國家古籍整理出版規劃重點項目

沈乃文 主編

明別集叢刊 第四輯

第四十九冊

黃山書社



(明)馮從吾 著

馮少墟集二十一卷續集四卷

清康熙十二年洪琮刻本

馮基定全書

馮少墟先生集序

少墟馮先生讀中秘書拜西臺風
節文章有聲宇內亡何言伸而身
退里居掩關九載精研契悟講明
聖人之學從者如歸門下士多至
千餘人一時稱關西夫子云余適
奉

馮恭定全書

序畢

一

命按秦得卒業所著辨學錄疑思錄
善利圖說學會約諸書十數種抉
關啓鑰多發前人所未發辨學錄
參勘源頭最為得力大要排距二
氏似是之教尤謂釋家言竄蝕吾

道變幻其說含符超津即宿儒慧

士間不覺墮彼瀟中是可患也故

茲錄其言甚辨其理入微不直刻

滌末流所由失直力剖本始所由

分昔人云儒釋差之毫釐謬以千

里此直云儒釋宗旨原隔千里絕

馮恭定全書

序畢

二

無毫釐之似至其言心則曰丟過

理說心便是人心惟危之心即有

知覺是告子知覺運動之覺佛氏

圓覺大覺之覺其言尤為痛切當

幾覲體直下信及直下就性命落

根真為數百季間聚訟之庭判未

了公案嗚呼渺論哉竊觀先生學
貴有主不貳以二不參以三用貴
實踐捨貴祇勅不為虛恢媮縱者
所借託夫有主則應千變而不可
惑實踐則究必到而不可欺祇勅
則神常惕而不可懈屹砥柱以遏

馮恭定全書

序畢

三

洪流堅鍵關以楹衆會其風窸然
惡可而言不以觚見之也其于本
也弘大而闊深其于宗也調適而
上遂矣儻所謂承前啓後非聖弗
遵非經弗由好修篤至身任先覺
者非邪蓋道學肇自虞廷講學創

自洙泗至宋諸君子始紹繹章明
之紫陽集諸儒大成推宗河洛然
於呂游楊謝猶斥其浸淫佛老不
少假相友善者如陸呂兄弟亦詆
子靜子約學傍近似而涉異端嗟
夫洞宗獲真憑虛失據學術小褻

馮恭定全書

序畢

四

濫觴靡止意念深矣

國朝薛文清獨尊紫陽云多聞見而
後卓約弗為荒幻徑獵讀書錄令
人稷乎有余思關以西稱呂文簡
誠敬真篤正經息邪具載所著內
篇中卓然醇儒先生其滌泗呂薛

合派紫易而滄源洙泗乎是故其
辨學也脉然若獨蘭之絲凜然若
春水之冰厚其防若千丈隄之不
可潰遠其畛若風馬牛之不相及
庶援彼入此推此附彼惚恍連玆
誦詭自恣之言無所假途而寄其

馮恭定全書

序

五

謫今日者賴先生濬心敏行煜然
使學人耳目再一新已關中數十
年來道脉大暢文簡得輿先生超
乘俾橫渠之緒迄今布濩流行而
不韞韞炳炳麟麟豈不懿哉先生
家食久

主上行且賜環虛孤卿三事待之行
將以道德為事功是其土苴將猶
陶鑄宇宙者也若夫集中諸摘撰
歌咏自爾有德之言質有其文行
之必遠故合刻而為之序使學者
知所嚮方其順可探也

馮恭定全書

序

六

萬歷壬子仲冬長至日

賜進士第巡按陝西監察御史前奉
勅巡按直隸等處兵部員外郎中書
舍人新安畢懋康撰



附東

嘗聞先儒之言曰見到孟子道性善處方是見得盡不佞亦曰見到先生說心說理處方是見得盡真令人心悅意懽莫可云喻者且大集中即單詞隻語往往使人乍泳而躍然湛思而未罄枝葉華萼無不歸根江河益盎皆可得月惟

馮恭定全書

序畢

七

是櫟檟之筆又何能贊一詞兼以日來諸務蠲集昕夕拮据所不能視殮者若而旰所自甲而達戊曉不交者若而宵又無遑問文墨之事愈覺腸枯筆澁小序率率塞白譬若從塾敷而庶高乎泰山懷汎濫而測深乎重淵亦未至也惟大加郢斤幸甚

馮少墟先生集序

聖門之學至中正至平實而天下之驚高奇者無當也濂洛紫陽諸君子當漢唐寥寥後相與章明經術力排似是而非之謬而聖學始揭日月而行中間若象山陽明兩先生其悟道蚤其見地高其平生操脩固卓然靡

馮恭定全書

序美

一

間而獨其所為衡量往哲辨難同儕指點後學者或微涉顛造徑詣夫世或有顛造徑詣之人而無顛造徑詣之教二先生以見地為教故其門人得二先生精意者往往振拔于問學名節一時稱極盛而失二先生立言本指者或藉解悟廢躬行或意圖融

開方便其流之弊衛道之士不能無
隱憂焉而况沿波流而彌下焉者乎
秦中少墟馮公予自辛卯歲視秦學
曾識公都門比予垂去秦而公以按
宣大移疾還里嘗詣公齋中圖書四
壁泊如也予嘅焉悵公歸之晚而予
行之遽而嗣是公再入都更以直道

馮恭定全書

序

姜

紉歸而下帷林卧與秦人士講明聖
賢之學者二十餘年而公之集始成
侍御東郊畢公按秦中亟梓行之而
予門人鄢陵令張君舜典公同志友
也持公集暨公書來屬予序予受而
卒業若關中書院記韓昌黎原道之
篇之所不能言當與定性等書並若

辨學錄疑思錄及它論學語嚴正學
之防謂異端本非是不得謂之似是
而于以痛懲末世廢脩言悟課虛妨
實之病中間至言精義多程朱諸君
子所欲剖析而未盡者如云或問天
命之性無聲無臭原着不得善字曰
天命之性就是命之以善何消着孟

馮恭定全書

序

姜

子道性善政直指天命之初而言耳
又云吾儒所謂善就指太虛本體而
言就指目中之不容一屑而言非指
景星慶雲金玉屑而言也又云人之
病正在無善乃反以無藥無豈不益
重其病而速之亡乎又云人心原是
活的如無一分善心便有一分惡心

又云易有太極乃天地自然的故無思為有太極而無思為有物則而無聲臭乃吾儒正大道理若舍太極專講無思為舍物則專講無聲臭有是理乎又云孔子七十而從心所欲不踰矩文王純亦不已若孔子謂我得矣便放開便是踰矩文王謂我得矣

馮恭定全書

序姜

四

便放開便是已其何以為聖人後世學者只是越過守浮慕化所以敢于放開率至于流弊不可言又云謂之曰理自是無障謂之曰障還不是理又云世之砥節礪行循規蹈矩而不聞道者誠有之矣未有真能聞道而不砥節礪行循規蹈矩者也又云不

質鬼神不可以言學不慎獨不可以

質鬼神又云一本大學都是釋格物

不必另補格物傳又云述而不作不

是聖人謙詞後世天下不治道理不

明正坐一作字又云只為志毅一念

不知壞古今多少人又云克己有當

下斬釘截鐵意不行頗費工夫不能

馮恭定全書

序姜

五

遽拔病根然亦克己之一法也又云

問豫立之意曰豫字即下文擇善固

執博學審問慎思明辨篤行又云近

世學者不論心之懈不懈理之明不

明而動稱不須防檢不須窮索以為

元妙是中佛氏之毒而借明道先生

以自解者也又云隨時變易而不從

道則小人而無忌憚是故君子無輕
言時公論辨若此等類翼往哲詔來
者砥頽波衛世道即令聖人復起宜
無以易斯言真洙泗之耳孫濂洛紫
陽之嫡胤也蓋予二年前聞公著有
善利圖說心疑之舜蹠善利廼孟子
提醒人心最剴至語安所煩圖說為

馮恭定全書

序

六

已而讀公圖說曰中間無路曰聖狂
分足處善念是吾真若耍中間立終
為蹠路人嗟乎此仲好先生所以為
仲好者也視象山先生鷺湖辨論晦
翁聞而心折一時聽講人士相與感
動流涕者不尤直截痛切哉公又數
舉高陵呂文簡公時時以改過安貧

四字勸學人為同游告夫改過安貧
二義論語六藝諸篇中蓋珍重言之
末世視為卑淺語若無其高論者非
文簡公暨仲好先生安能為此言予
居恒謂講學非難本之身心真有以
自得為難其撰著論駁真足以正虛
幻之人心障茅靡之世教為難否則

馮恭定全書

序

七

雖言高于秋旻藻于春華奈何言學
也公于象山陽明二家言若相辨難
實相成真二先生益友矣東郊畢公
持節省方特崇經術表章公集功在
天下與後世真紫陽先生同里若張
君舜典與公下上問辨最深研又最
精詣厝之鄆陵以政為學蔚有三代

以上吏道風其得于公之劇切者遠矣可謂有志者也

萬歷癸丑嘉平月丹陽姜士昌仲文撰



馮恭定全書

序姜

八

馮少墟先生集序

昔吾夫子歎天下無聖人君子而思善人有恆非以聖人君子爲絕德也善人者生而善者也有恆者忠信之人也故曰無而爲有虛而爲盈約而爲泰非有恆也自古無不學之聖人亦無不學之君子善人有恆可以爲君子以至於聖人而皆不好學何則彼固生而善生而有恆也且其列於士人之林則亦嘗從事於學矣以爲吾自不爲不善何必更學夫資質之美者既不好學而二人者之外又皆困而不學天下安得有聖人君子也聖人尚矣世有君子必講學以明道使彼二人者皆能爲君子與之持

馮少墟集

序趙

一

宇宙而康民物然所講者必聖人之學
乃可耳若馮少墟先生者則可謂明於
聖人之學者也夫明於聖人之學然後
能行行之與明固非有二也今夫學射
者不操弓矢而談射非惟必不能射其
所談者必無當於后羿學奕者不涉碁
局而談奕非惟必不能奕其所談者必

馮少墟集

序

二

無當於秋儲行之生熟而明之淺深隨
之不能行而徒以其意想測度談道未
有不差之毫釐謬以千里者若少墟牛
生之於道則可謂允能行之者也何以
知之其所講者平淡而融徹平淡者聖
人之正學也融徹者其體會真也今論
語孟子之書具在論語所載夫子之言

有一語不平淡者乎然至元至妙在其
中矣此所以爲聖人之言也孟子則闡
明論語之言而時露其元妙固聖賢氣
象之殊要亦覺悟後學有不得不然者
夫語聖學之要則一敬盡之矣即致良
知之說未若敬之一言正大而無弊也
後之講學者又過爲元妙舍所載之天

馮少墟集

序

三

而言九天之上又言無天之天舍所履
之地而言九地之下又言無地之地此
與白馬非馬之辯何異愚者不必言矣
忠信之人必聞而駭之以爲妖言夫吾
之所望以共爲君子者在忠信之人而
先令其駭則天下無復可與言學者適
足以號召悖詭妄誕之徒爲斯道蠹是

以少墟先生之言是真能學聖人者也
是真能爲君子者也是真能使天下人
爲君子者也先生進則直諫以匡時退
則脩身以正人是謂知行合一天下之
真知也言行相顧天下之至言也余反
覆先生之集想見其心極虛其量極廣
其救世之念極切如是而有言安得不

馮少墟集

序

四

洋洋秩秩也瓏璽其音者其質玉乎豈
不然哉余受先生之益多矣先生不鄙
而命爲之序余欣然命筆而以請正於
先生焉

萬歷甲寅秋七月高邑趙南星頓首謹



馮少墟先生集序

聖賢之學學爲人而已而人之所以有
生者獨軀壳也乎哉天生蒸民有物有
則孩提之童無不知愛其親也及其長
也無不知敬其兄也此豈煩教戒束攝
乎唯是情滋智鑿日失其所以爲人之
理故名爲人而實鄰禽獸故孟子常就

馮少墟集

序

安成

其發動端倪拈出以詔天下曰乍見怵
惕曰呼蹴弗受皆卒然觸之而本心便
不容不如是應者故知卽心卽理物外
無則而踐形順則存乎其人是以大學
首揭止善中庸究歸明善蓋皆實實見
有此理爲人之不可須臾離者夫然故
緝熙非寂照惻隱非苦空而戒慎恐懼